



Զվարթնոց, արևմտյան ճակատ:
Վերակազմությունը՝ Թորոս Թորամանյանի



Զվարթնոցի առաջին աստիճանի հատակագիծը:
Վերակազմությունը՝ Թորոս Թորամանյանի



ՏԻՐԱՆ ՄԱՐՈՒԹՅԱՆ

Ճարտարապետ

Զ Վ Ա Ր Թ Ն Ո Ց

Դեռևս յոթերորդ դարի կեսերին Էջմիածնից արևելք՝ մոտ երեք կիլոմետրի վրա կառուցվում է հայ շինարարական արվեստի գլուխգործոցներից մեկը՝ Զվարթնոց տաճարը:

Ինչպես կառուցմանը ժամանակակից, այնպես էլ հետագայի մեր միջնադարի մատենագիրները ձոներ են նվիրում Զվարթնոցին և խորին ակնածանքով ու բարի խոսքով հիշում ամենայն հայոց կաթողիկոս Ներսես Գ Շինողին, որն իր ժամանակի ակնավոր քաղաքական դեմքերից էր, երբեմնի Բյուզանդական կայսրության վիճվորական հայտնի գործիչներից:

Զվարթնոցը կանգուն գոյատևում է մինչև տասներորդ դարի վերջերը՝ շուրջ 350 տարի, ապա կործանվում. նրա պիտանի քարերը տարվում են, մնացածները ծածկվում հողի շերտով:

Պեղումների մասնակից (1904 թվականից) հայ անվանի ճարտարապետ և հմուտ գիտնական Թորոս Թորամանյանը ավերակի տվյալների և այլ հետապտությունների հիման վրա ստեղծում է հուշարձանի առաջին վերակազմության նախագիծը (1905 թ.):

Ըստ Թորամանյանի՝ Զվարթնոցը շրջանց սրահի մեջ առնված մեծ չափերի քառակուսու է (տետրակոնն), եռաստիճան, կենտրոնագմբեթ՝ աստիճանաբար փոքրացող երեք թմբուկներ, դրված միմյանց վրա: Տաճարի խաչաձև կենտրոնը կապող չորս խորաններից արևելյանը, որ ավագ սեղանն է, ստեղծված է հոծ պատով, փուռ երեքը՝ պլանակամարաշարով, կապավորված վեցական պլաններով՝ յոթական կամարներով:

Գմբեթատակ քառակուսու չորս անկյուններում առկա են հաստահեղույս մայր մույթեր, որոնց տաճարի կենտրոնին ուղղված անկյունները պզալ տրամագծի կիսասյուներ են, շրջանց սրահին ուղղված մասերը՝ կիսաշրջան խորշեր, դիմացը առանձին կանգնած պլաններ՝ արծվախոյակով:

Տաճարի կենտրոնն իր մեջ առած բոլորակ սրահը ստեղծվել է արտաքին մեծ թմբկապատով, որը ներսից բոլորակ է, դրսից՝ բազմանիստ:

Տաճարին արևելակողմից հարում է ուղղանկյուն մի շինություն, որ բոլորակ տաճարի հետ հաղորդակցվում է ընդհանուր պատի վրա առկա երկու դռներով:

Թորամանյանի վերակազմությամբ Զվարթնոցի առաջին աստիճանի սահմաններում շրջանց սրահն ունեցել է երկրորդ հարկաբաժին՝ վերնահարկ: Վերակազմության կտրվածքի գծագրում երեք պլանակամարապարզ խորանների վերևում, Թորամանյանը ցույց է տվել երեք, նույնպես սյունակամարապարզ օթյակներ, որտեղով վերնահարկում գտնվողները պիտի հաղորդակցվեին տաճարի կենտրոնում տեղի ունեցող արարողությանը:

Առաջին հարկաբաժնի շրջանց սրահը ծածկող թաղի նման, մի երկրորդ թաղ էլ ծածկել է երկրորդ հարկաբաժնի շրջանց սրահը: Վերոհիշյալ թաղերը մի կողմից հենվել են տաճարի արտաքին թմբկապատին, մյուս՝ ներքին կողմից այդ նույն թմբկապատին չուգահեռական այն բոլորակ հենարանին ու նրա վրա բարձրացած պատին, որ ճարտարապետը ստեղծել է ստորին մեծաթիջք թաղերի օգնությամբ: Եվ որպեսզի վերնահարկում եղողները կարողանան հաղորդակց-

վել տաճարի կենտրոնին, վերջինիս ծածկաթաղի ներքին հենարան-պատը, Թորամանյանի կարծիքով, պետք է եղած լինի սյունակարգ:

Թորամանյանի վերակազմությամբ տաճարի քառախորան կենտրոնը բարձրանում է մինչև գմբեթատակ: Այդ քառաթև կենտրոնը տաճարի երկրորդ աստիճանի սահմաններում արտաքուստ փաթաթվում է 32 նիստեր ունեցող թմբկապատով: Ներքին խաչաձևի և արտաքին բոլորակի համադրումով մայր մույթերի երկու կողմերում այդ բարձրության վրա կրկին առաջանում են մոտավորապես եռանկյունաձև խորշեր, որոնց պատերի վրա թե դրսից, թե ներսից եղել են յուսամուտներ:

Տաճարի երրորդ աստիճանը Թորամանյանի վերակազմությամբ 16 նիստերով թմբուկ է և վերևից ունի կոնաձև վեղար:

Զվարթնոց տաճարի շինանյութը սև ու շագանակագույն տեղական տուֆաքարն է և կրաշաղախը: Հենվող զանգվածներում օգտագործվել են նաև թեթև շինանյութեր, այդ թվում պեմպաներ, կանաչա գույնի շեշաքարեր, պերլիտներ (վաքեցված օբսիդիան), դատարկ կարասներ, որոնք ունեցել են նաև ակուստիկ նշանակություն:

Տաճարի արտաքին ու ներքին հարդարանքը նույնպես ստեղծված է նույն տուֆաքարով: Շինության բոլոր թմբկապատերով անցնում է դեկորատիվ սյունակամարաշար: Առաջին աստիճանի թմբկապատը, որ ունի պզալ բարձրություն, ի տարբերություն երկրորդի և երրորդի, ըստ բարձրության բաժանվում է երկուսի: Առաջին՝ բարձր մասի կամարաշարի սյուները պուլ-պուլ-գ դասավորված են հարևան նիստերի

հանդիպման անկյուններում: Կամարաշարի վերևով անցնող հորիզոնական բարակ գոտու ու կամարների միջև ստացված խորությունը (անտրիվոլտ) պատված է հարուստ հարթաբանդակով: Թմբկապատի վերին՝ փոքր հատվածը համապատասխանում է շրջանց սրահի երկրորդ հարկաբաժնին՝ վերնահարկին:

Տաճարի ներսը յուսավորում են առաջին, երկրորդ և երրորդ թմբկապատերի նիստերից յուրաքանչյուրի վրա բացվող մեկական ձգված համաչափությամբ, վերնահարկը՝ բոլորակ յուսամուտներով:

Այսպիսով պարզորոշ ընկալվում է այն համապատասխանությունը, որ կա տաճարի առաջին աստիճանի ներքին շրջանց սրահի երկհարկ լինելու և թմբկապատի արտաքին հարթության, ըստ բարձրության երկուսի բաժանված ճարտարապետական կազմության միջև:

Տաճարի վերին աստիճաններում դեկորատիվ կամարաշարի սյուները նույնպես տեղադրված են կից նիստերի անկյուններում, սակայն մեկական հատ և ունեն նույն տրամագիծը, ինչպիսին ունեն ստորին սյուները:

Անկախ նրանից, որ Զվարթնոցի Թորամանյանի վերակազմության նախագիծը վաղուց ի վեր արժանանցել է համընդհանուր ճանաչման, և տաճարն այդ վերակազմության ձևով է մուտք գործել մարդկանց գիտակցության, պատկերացումների մեջ, առավել ևս՝ գիտական գրականություն, անցած տասնամյակների ընթացքում երբեմն-երբեմն այդ վերակազմությանը չեն համաձայնում տարբեր հետապտողներ,

նույնիսկ առաջարկվում են նոր վերակազմություններ, որոշ դեպքերում էապես տարբեր նախորդից:

Թորոս Թորամանյանի Չվարթնոցի վերակազմության առաջին փնտրվողը եղել է հուշարձանը պեղող վարդապետ Նաչիկ Դադյանը: Որպես նրա անհամաձայնության իրական վկայություն, մեկ են հասել Թորամանյանի կազմած Չվարթնոցի կտրվածքի և ճակատի այն գծագրերի լուսանկարները, որոնցում գմբեթային մասը չկա: Դրանք դեռ այն ժամանակ կտրել էր Դադյանը, համոզված լինելով, որ ավելորդ են, քանի որ իբր հայկական եկեղեցիները կրկնակի գմբեթ չեն ունեցել, այսինքն՝ չեն եղել եռաստիճան:

Դադյանն իր սխալում ի վերջո համոզվեց, երբ Ն. Մառը հայտնաբերեց Գազկաշենի մանրակերտը, տեսնելով այդ մանրակերտի և Թորամանյանի մինչ այդ ստեղծած Չվարթնոցի ճակատի միակերպությունը: Չէ՞ որ համաձայն 11-րդ դարի հայ մատենագիր Ասողիկի, Գազիկ թագավորը իր տաճարը կառուցել էր Չվարթնոցի ճարտարապետությամբ և չափերով:

Արքեպիսկոպոս Մեսրոպ Տեր-Մովսեսյանը, որ Չվարթնոցի պեղածո նյութերի առաջին հրատարակողն էր, Թորամանյանի վերակազմության հավաստիությունը ստուգում էր էջմփածին հրավիրված ճարտարապետ Քրիստափոր Տեր-Սարգսյանի միջոցով: Վերջինս սկզբնապես անհամաձայն լինելով Թորամանյանի վերակազմությանը, ժամանակ անց լսելով նրա բացատրությունները, Թորամանյանի խոսքերով ասած՝ «լիովին ընդունելով ներքին հարկերու վերաբերյալ բոլոր ցուցմունքներս՝ միայն անհամաձայն մնաց ինձ հետ գմբեթի կազմության մասին»:

Ա. Վ. Կուլնեցովը 1951 թ. հրատարակած իր «Կենտրոնազմբեթ շինությունների տեկտոնիկական և կոնստրուկցիան» (ռուսերեն) աշխատության մեջ, ի թիվս աշխարհի նշանավոր շատ հուշարձանների, անդրադարձել է նաև հայ ճարտարապետության մեծ թվով կենտրոնազմբեթ տաճարների, այդ թվում և Չվարթնոցի ընդհանուր հորինվածքային ու տեկտոնիկական կազմության քննությանը:

Կուլնեցովը հնարավոր է համարում Չվարթնոցի վերակազմության երկու տարբերակ, մեկը Թորամանյանի եռախազմի ձևով, մյուսը՝ իր նոր առաջարկության, որ ներկայացրել է սխեմատիկ էսքիզով: Համաձայն նրա առաջարկի, Չվարթնոցի առաջին աստիճանը հանդիսացել է բոլորաձև պատվանդան, որի վրա բարձրացել է երկրորդ աստիճանի հիմքում խաչաձև ծավալը:

Վերլուծելով Թորամանյանի վերակազմությունը, Կուլնեցովը գտնում է, որ Չվարթնոցի, նաև Բանակ տաճարի ճարտարապետներին չի հաջողվել ստեղծել կենդանի կապ ներքին խաչազմբեթարդ տարածության և արտաքին թմբկաձևի (ռոտոնդաձևի) միջև: Դրա հետևանքով, նշում է նա, տաճարի երկրորդ աստիճանի 32 լուսամուտներից 12-ն են լուսավորում տաճարի ներքը, մնացածը կույր են, որ իբր նրանք բացվում են փակ խորջերի վրա: Գիտնականը վերահարկի հարցը թողնում է բաց ու չի պահվում նրա քնննությանը:

Կուլնեցովի կարծիքով, Չվարթնոցը կործանվել է արծվախոյակ սյուների և կամարաշար խորանների միջին երկու սյուների գեղարվածության հետևանքով: Նրա համոզմամբ, «...Չվարթնոցի ճարտարապետի ստեղծագործական համարձակ մտահորացումը չի համապատասխանել դարաշրջանի տեխնիկական գիտելիքների փնտրմանը»: Կուլնեցովը չի բացառում Չվարթնոցի համար մի նոր վերակազմության փորձի հնարավորություն, սակայն, գրում է. «Դժվարությունը, որ առկա է մի այլ, ավելի ճշմարտացի և մեծ հուշարձանին արժանի վերակազմության նախագծի ստեղծման համար, պայ-

մանավորված է Չվարթնոցի կոնստրուկտիվ առումով անտրամաբանական հատակագծով»:

Ա. Վ. Կուլնեցովը մեկ անգամ է եղել Չվարթնոցում և ժամանակի սղության պատճառով հնարավորություն չի ունեցել հուշարձանից վերցնելու առավելագույնը, նա քննությանը մոտեցել է ավելի տեսականորեն, քան կոնկրետ:

Չվարթնոցի կառուցողը նախօրոք նպատակադրված է եղել խաչաձև կենտրոնի և բոլորակ արտաքինի համադրման, դրանում տեսնելով իր քաղաքական հայացքների մարմավորումը գեղարվեստական ստեղծագործության մեջ: Թորամանյանը այս առիթով գրում է. «Ներսես Գ Շինող արևմուտքեն բերավ Չվարթնոցի բոլորակը... ուլեր է այդ երկու դավանության (լուսավորչական և քաղկեդոնական—Տ. Մ.) եկեղեցիներն ալ միմյանց մեջ ձուլել... անոր ճարտարապետը հայկական նվիրագործված խաչաձևը հունական բոլորակին հետ ներդաշնակորեն պատշաճեցնելու համար արտակարգ հանդգնության հետ եզակի հանձար ի գործ դրել է ի մեծ պարմացումն այսօրվան մեր գիտական աշխարհին» («Անահիտ», 1911, մայիս): Այստեղից հետևում է, որ Չվարթնոցի համար վերակազմության նոր տարբերակի ստեղծումը հակառակ գործի տիրոջ նպատակադրման, անիմաստ է:

Թորամանյանը Չվարթնոցի երկրորդ աստիճանի համար հատակագիծ չի կազմել, դա Կուլնեցովի ենթադրությունն է, որ իբր 32 լուսամուտներից 12-ն են իրական: Թորամանյանի նյութերի հիման վրա նույն դրվագի համար մեր կազմած հատակագծով իրական են ճակատի բոլոր՝ 32 լուսամուտները:

Տաճարի 300—350 տարվա գոյության փաստը ինքնին ապացույց է Չվարթնոցի հատակագծի կուռ տրամաբանականության, նրա կառուցողների տեխնիկական բարձր պատրաստականության և հմտության դեռևս 7-րդ դարի կեսերում:

Տարիներ առաջ Չվարթնոցի նոր վերակազմություն է հրապարակել Ս. Մնացականյանը: Այդ վերակազմության հիմքում փաստորեն դրված է Ա. Կուլնեցովի վերակազմական առաջարկության էությունն ամբողջությամբ:

Արդ, որո՞նք են այդ էության գուճարելիները, մշակված Մնացականյանի կողմից վերակազմության իր նոր նախագծում:

Ա. Տաճարը սկզբնապես եղել է առանց արևելակողմի ուղղանկյուն շինության. այն տաճարին կից կառուցվել է 9-րդ դարում:

Բ. Տաճարի առաջին աստիճանի ասիմաններում շրջանց սրահը վերահարկ չի ունեցել:

Գ. Տաճարի երկրորդ աստիճանը եղել է հիմքում լիաչաձև. շրջագծային պատ գոյություն չի ունեցել:

Դ. Տաճարի երրորդ աստիճանի՝ գմբեթի թմբուկը ունեցել է ոչ թե 16, այլ 12 նիստ. ծածկը արտաքուստ եղել է ոչ թե կոնաձև, այլ կիսագնդաձև:

Ե. Շինության բարձրությունը եղել է բոլորակ հատակագծի տրամագծին հավասար — մոտ 35 մետր:

Այսպիսով, Չվարթնոցը ստանում է բոլորովին այլ մեկնաբանություն, միանգամայն տարբեր այն պատկերից, որ պիսիս ամբացել է մեր պատկերացումներում:

Ստորև անդրադառնանք նոր վերակազմության դրույթներից յուրաքանչյուրին առանձին-առանձին:

«Չվարթնոցի վերակազմության հարցի շուրջը» հոդվածում (տես ԳԱ «Տեղեկագիր» Հ. Գ., 1959, № 4, էջ 71) Ս. Մնացականյանը գրում է՝ Թորամանյանի վերակազմության նախագծի «...առավել էական թերությունը՝ արևելյան ուղղանկյուն կառուցվածքը տաճարի շրջանաձև պատի հետ միաձուլյ պատկերելն է, մի բան, որը արմատապես ժլխտվում է նշված կառուցվածքի և տաճարի շրջանաձև պատի միջև կոնստրուկտիվ կապերի իսպառ բացակայությամբ»: Եվ

այսպ «պարզ է դառնում, որ այն ավելացված է հետագայում և չէր մտնում տաճարի սկզբնական կոմպոզիցիայի մեջ»:

Երբ ավերակի երկու ուսումնասիրություններով հաստատվում է, որ Չվարթնոցում նախ կառուցվել է բոլորակ տաճարի հիմքը, հետո արևելակողմի ուղղանկյուն կառուցվածքի հիմքը և ապա կառուցվել են տաճարի երկու մասերի պատերը միաժամանակ և միմյանց ձուլված, դեռ ավելին՝ տաճարի երկու մասերի վերոհիշյալ հիմքերը կառուցվել են կամ նույն վարպետի կողմից, կամ նույն վարպետի տաշած քարերով, Ս. Մնացականյանը իր հայացքները վերաշարադրելով գրում է. «...ոչ մի խոսք չի կարող լինել այս երկու կառուցվածքների կոնստրուկտիվ տեսակետից անջատ լինելու մասին» (տես Ս. Ն. Մնացականյան, «Չվարթնոցը և նույնատիպ հուշարձանները», 1971, էջ 49):

Ակներն հակառակությունից ելք որոնելով, հետապնդողը գրում է. «...վերակառուցողները պարզապես հեռացրել են ուղղանկյուն հավելվածքի լայնությունը համապատասխանող եռաստիճան որմնախարիսիքը և լայն, շրջանաձև հիմնապատի վրա բարձրացրել ուղղաձիգ, կենտրոնական ուղղանկյուն ելուստ ունեցող ոչ հաստ պատ»:

Չվարթնոցի ավերակում «կենտրոնական ուղղանկյուն ելուստից» մինչև բոլորակ պատի ներքը հապիվ 85—90 սմ տարածություն կա, այնքան, որքան բոլորակ տաճարի արտաքին թմբկապատի հաստությունն է ու կցվելիք պատի համար տեղ չի մնում: Այս ցույց է տալիս, որ Ս. Մնացականյանի պատկերած «վերակառուցումը» արգասիք է ռեալ ավերակի տվյալներից կտրված դատողությունների:

Ահա այս ինքնատեղծ, անիրական հիմքի վրա հենված Ս. Մնացականյանը 1978 թ. լույս տեսած «Ակնարկներ հին և միջնադարյան Հայաստանի ճարտարապետության պատմության» կոլեկտիվ աշխատության 99-րդ էջում գրում է. «Արեվելակողմից բոլորակ պատին հարում է հետագայում կառուցված ուղղանկյուն կցակառուցված»:

Համաձայն Ս. Մնացականյանի «...9-րդ դարի վերջին, Դվինի կործանարար երկրաշարժից հետո կաթողիկոսարանը տեղափոխվում է Չվարթնոց: Այստեղ ևս անհրաժեշտ էր ունենալ եկեղեցական սկիհների պահպանման մի հուսալի վայր: Այդ առիթով էլ, ամենայն հավանականությամբ, ձեռնարկվել է արևելակողմի ավանդատան կառուցումը...»:

Հետաքրքիր տրամաբանություն՝ 7-րդ դարի կեսերին կաթողիկոս Ներսես Գ Շինողը կառուցում է Չվարթնոցը, կառուցում է նաև կաթողիկոսարանի ընդարձակ համալիրը, մինչ եկեղեցուն կից ավանդատունը կառուցվում է 9-րդ դարի վերջերին միայն: Արդ, եթե Չվարթնոցը կաթողիկոսական եկեղեցի էր, ավանդատունը պիտի կառուցվեր եկեղեցու հետ միաժամանակ, եթե կաթողիկոսական եկեղեցին չէր, ինչու նրա հետ միաժամանակ կառուցվել է կաթողիկոսական մի ամբողջ համալիր:

Ս. Մնացականյանի կարծիքով Չվարթնոցում վերահարկ չի եղել. «Վերահարկը այստեղ (Թորամանյանի վերակազմության մեջ —Տ. Մ.) ներկայացնում է որպես մի կեղծ կառուցվածք, որն արված է կարծես թե ճակատի կլոր լուսամուտները տեղավորելու համար...» (Տեղեկագիր, № 4, էջ 76): Նույն տեղում նա գրում է. «Տաճարի ամբողջ պարագծով ձգվող վերահարկը, որտեղ կարող էին տեղավորվել մի քանի հարյուր մարդ և որը լուսավորված էր բավաժախի կլոր լուսամուտներով, փաստորեն կտրված էր տաճարի ինտերյերից և վերջինիս հետ հաղորդակցում էր միայն երեք լուսամուտների միջոցով, որոնց միջից ժամասացությունը կարող էին լսել և տեսնել ընդամենը մի քանի տասնյակ մարդ»:

Այս ամենը Ս. Մնացականյանը ճիշտ է ասում, հիմնվելով վերահարկի այն հիմնովին միակ գծագրի վրա, որն

ինքն է կազմել ու... վերագրել Թորամանյանին: Վերահարկի համար նրա առաջարկած հատակագծի երեք տարբերակները մշակված «ըստ Թորամանյանի նյութերի», ինչպես և 1971 թ. հրատարակած «սյունապարզ» տարբերակը, կազմված տողերիս հեղինակի 1963 թ. հրատարակած վերահարկի հատակագծի նմանությամբ (կատարյալ աղավաղումով), նպատակամղված են բացառելու վերահարկի գոյությունը ընդհանրապես:

Թորամանյանը վերահարկի հատակագիծ չի կազմել, սակայն, իր աշխատությունների առաջին ժողովածուի 249 էջում գրում է, որ սրահի ներքին պատը «...հավանաբար ոչ թե գոց, այլ սյունապարզ մը եղած ըլլալու է»: Մինչ Մնացականյանը այդ պատը պատկերում է խոլ և սրահը մեկուսացնում տաճարի ներսից, այդպիսին որակում «կեղծ կառուցվածք» առաջարկված Թորամանյանի կողմից:

Հետապնդողի կողմից վերահարկի երբեմնի գոյությունը ժխտելու կոմպանիից է այնտեղ տանող աստիճանների «հետքերի բացակայությունը» ավերակում:

Բանն այն է, որ վերահարկի գոյությունը առնչություն չունի այնտեղ տանող աստիճանների գոյության հետ: Հայտնի է, որ Չվարթնոցի կառուցման ժամանակներում հաճախակի էին դարձել արաբների ներխուժումները, կոտորածն ու թալանը Արարատյան դաշտում: Եկեղեցիները, որ կառուցվում էին անառիկ և ամրակուռ, ծառայում էին ժողովրդին պատսպարելու, մինչև հայրենի կորաբաժանումների օգնության հասնելը: Հայ տաճարաշինության մեջ եպակի չեն եկեղեցիները, որոնք վերահարկեր ունեն, առանց այնտեղ տանող մշտական աստիճանների:

Հետապնդողի ճիգ ու ջանքը բացառելու վերահարկերի գոյությունը ընդհանրապես հայ տաճարներում, սարքովի, անհիմն տեսություն է: Վերահարկեր եղել են Չվարթնոցից և առաջ, և հետո: Շատ ավելի վաղ կառուցված և մինչև այժմ կանգուն Ծիծեռնավանքում, խորանի ուղիղ գլխավերևում կա մի ընդարձակ, երեք լայն կամարներով տաճարի ներսի վրա բացվող վերահարկ: Հետքերի է, որ այնտեղ տանող աստիճաններ չեն հայտնաբերված: Դեռևս հինգերորդ դարում Գյուտ կաթողիկոսի կարգադրությամբ կառուցվում է սյունապարզ վերահարկով մի տաճար, որի նկարագրությունն է պահպանվում Ստեփանոս Օրբելյանի մոտ. «...վերնատունս սեամբք և սքանչելի յօրինածքով շինեալ»: Դեռևս յոթերորդ դարում կառուցված Բանակ տաճարում առկա են տարբեր պարագծերի մի շարք վերահարկեր:

Մի տեսություն ևս, որ առաջ է քաշում Ս. Մնացականյանը ժխտելու վերահարկի գոյությունը Չվարթնոցում: Նկատի ունենալով, որ վերահարկ տանող աստիճաններ են ենթադրվում արևելյան ուղղանկյուն կառուցվածքում, հետապնդողը ամեն կերպ հետագա հավելում է համարում այդ շինությունը և, ապա գրում, որ սանդուղքների արևելակողմում դասավորելը կլիներ քրիստոնեական օրենքի խախտում: Հարկ է առանց հապաղելու նշել, որ քարե աստիճաններ գոյություն ունեն Անիի մայր տաճարի արևելյան՝ ավագ խորանի երկու կողմերում՝ հոծ պատի թանձրության մեջ, ինչպես և Բանակ տաճարում, նույնպես ավագ խորանի երկու կողմերում:

Հատկանշական է, որ դեռևս 1964 թ. ճարտարապետների միությունում քննարկման ներկայացված և, ապա 1967 թ. «Չվարթնոց» դիսերտացիայի ավտոռեֆերատում, հրատարակված քարակերտ սանդուղքների տարբերակը, որ արժանացել է մի քանի գիտնականների հավանության, Ս. Մնացականյանի կողմից համադրեն յուրության է մատուցվում, խոսվում է լոկ որևէ մեկի կողմից չառաջարկված շարժական

սանդուղքների մասին, այդ հիման վրա մերժում վերահասարկի գոյությունը Չվարթնոցում:

Որպես Չվարթնոցի վերահասարկի երբեմնի գոյությունը հավաստող նյութական հիմք ծառայում են՝

Ա) Վերահասարկը լուսավորող կտր պատուհանների բազմաթիվ բեկորների առկայությունը ավերակում: Չվարթնոցանման Բանակում տվյալ դրվագում կտր պատուհաններ չկան, որովհետև այդ մասում բոլորակ վերահասարկ չկա:

Բ) Չվարթնոցանման Գազկաշենի մանրակերտում նույնպես առկա են կտր պատուհաններ, որոնք հորինվածքում սքաղեցնում են այն տեղը, որը Չվարթնոցում ցույց է տվել Թորամանյանը, նախքան Գազկաշենի մանրակերտի հայտնաբերումը, 1906 թ.:

Գ) Սենտ-Շապելի երեք հարթաքանդակներում, որոնցում պատկերված է նաև Չվարթնոցը, առկա են թուրքական պատուհաններ ճշտորեն նույն դիրքում, որպիսի դիրքում են դրանք Գազկաշենի մանրակերտում և Չվարթնոցի Թորամանյանի վերակազմության նախագծում:

Դ) Ավերակի հարավ-արևելակողմում առկա է պահարանով մի փանգված, որ գտնվել է վերահասարկի բարձրության վրա:

Ե) Ավերակի հարավ-արևմտյան կողմում առկա է մի փանգված, որի գետնահարկը մասում պահպանվում է կրաշաղակով հատակի մնացորդ, որ պատկանել է սյունապարզ խորշին վերահասարկի բարձրության վրա:

Զ) Ավերակի հյուսիսակողմում պահպանվում են 45 սմ տրամագծով սյան երեք բեկորներ, որոնք անվրեպ պատկանել են վերահասարկի օթյակաձև սյունակամարաշարին:

Է) Արվնի գյուղի քառախորան փոքր եկեղեցու ներսում պահպանվում է մի կողովահյուս խոյակ, որ պատկանել է վերոհիշյալ օթյակաձև սյունակամարաշարի 45 սմ տրամագծով սյուններից որևէ մեկին:

Ն. Տոկարակին իր «Հայաստանի IV—XIV դդ. ճարտարապետությունը» (1961) աշխատության 137 էջում նշում է, որ, իրեն հայտնի է Չվարթնոցի վերահասարկի մեկ խոյակ:

Ս. Մնացականյանը Ա. Կուլնեցովի օրինակով մերժում է Թորամանյանի վերակազմությանը տաճարի երկրորդ աստիճանի թմբկաձևությունը: Կրկնելով իր նախորդին, գրում է. «...ձևակառուցված 32 լուսամուտներից միայն 12-ը կարող են լուսավորել տաճարը, իսկ մնացած 20-ը կեղծ են և բացվում են... դատարկ, անօգտագործելի տարածություններում»: Գերազանցելով Կուլնեցովին, տողատակում ավելացնում է. «...այսպիսով 32 լուսամուտից տաճարը լուսավորում են միայն... 9-ը» (Տեղեկագիր, № 4, էջ 77):

Տաճարի երկրորդ աստիճանի համար Թորամանյանը հատակագիծ չի կազմել: Իրական և անիրական լուսամուտների տվյալ պատկերը ստացվում է Ս. Մնացականյանի կազմած հատակագծով: Տաճարի երկրորդ աստիճանի համար ինչպես ասվեց մեր կազմած հատակագծով իրական են բոլոր 32 լուսամուտները, և նրանք լուսավորում են տաճարի ներքին տարածությունը:

Ս. Մնացականյանը տաճարի երկրորդ աստիճանի ձևերի մասին գրում է. «Այսպիսով զովար չէ տեսնել, որ տաճարի երկրորդ լարուսի այս շրջագծային պատը ստացվել է միանգամայն արհեստականորեն, և բացի այն, որ չունի և ոչ մի կոնստրուկտիվ դեր, անչափ ավելացնում է մեծաթիջք, կրկնակի կորություն ունեցող կամարների և հատկապես առանձին կանգնած սյուների բեռնավորվածությունը...», որտեղ մոտ 20 մետր բարձրություն և 10 մետր լայնություն ունեցող պատի ամբողջ ծանրությունն ընկնում է միայն մեկ 0,8 մետր տրամագիծ ունեցող սյան վրա...»:

Նախորդ էջերում ասվեց, որ Ա. Կուլնեցովն ու Ս. Մնացականյանը իրենց հաշիվները կատարել են սխալ մեթոդով, ենթադրելով, որ այդ սյուների ամեն մի քառ. սմ-ի վրա ընկնում է 40—60 կգ բեռ: Կառուցվածքի տարածական աշխատանքի պայմաններում, նոր հաշվումներով 40—60 կգ-ի փոխարեն բեռը իրականում եղել է նորմալ չափերի՝ 12—14 կգ:

Տաճարի երկրորդ աստիճանը քառակոնիսային պատկերները հիմնավորելու համար վերակազմության հեղինակը, որպես նյութական ապացույց ներկայացնում է կամարաղեղների կրկնաքարերը, որոնք դրված են եղել նիստերի անկյուններում կանգնած սյուների խոյակների վրա: Մնացականյանը գրում է. «Այստեղ առավել կարևորը նիստերի անկյունաքարերն են, որոնցից տաճարի փլատակների մեջ պահպանվել են շուրջ տասը հատ: Այդ անկյունաքարերը, մշակված գոլաձև կարգամտիվներով, ունեն համանման լուծումներ, և որ առավել ուշագրավ է, նրանց թեքադիր կողերով կազմված անկյունը հավասար է 156 աստիճանի, այսինքն ունի ճիշտ այնպիսի բացվածք, ինչպիսին ունի արսիդների սյուների կենտրոնները միացնող գծերով կազմված, անկյունը»: Այնուհետև՝ «Նշված քարերը չէին կարող պատկանել ռոտոնդաձև պատին, որովհետև նրա նիստերի անկյունները անհամեմատ ավելի մեծ չափերի պիտի լինեին, ոչ պակաս 169°-ից»:

Առանց մեկնաբանության էլ հասկանալի է, որ կամարաքարի՝ դեպի ներս թեքվող ստորին երաշերտի գոլաձև կարկերով ստեղծված անկյունը ոչ մի կապ չունի անկյունաքարով սկսվող նիստերի անկյան հետ: Նոր չափագրությամբ և ստուգումներով պարզվում է, որ վերոհիշյալ անկյունաքարը ունի ոչ թե 156, այլ 168—169°-ի անկյուն, որ երկու անկյունաքարերը միմյանցից հեռացված են եղել 255 սմ, հետևում է, որ այդպիսի անկյուն և նիստերի այդպիսի լայնք ունի մի թմբուկ, որի տրամագիծը մոտ 26,2 մետր է: Ճշտորեն այդպիսին է տաճարի թմբկաձև երկրորդ աստիճանը Թորամանյանի վերակազմությանը:

«Նուսազայում նոր չափագրության տվյալների ճնշման տակ Ս. Մնացականյանը իր «Չվարթնոց...» աշխատության մեջ աշխարհ է բերում Չվարթնոցի նոր տարբերակ թմբկաձև երկրորդ աստիճանով: Այդ առթիվ 103-րդ էջում գրում է. «...թեքնա բացառված չէ, որ Չվարթնոցը երկրորդ հարկաբաժնում ունենար ռոտոնդաձև հորինվածք...», և ապա «Այն հանգամանքը, որ տաճարի փլատակներում հայտնաբերված երկրորդ հարկաբաժնի կամարաղեղի քարերը կարող էին տեղ գտնել նաև այս տարբերակում, թվում է որոշակի հիմքեր է տալիս նման վերակազմության համար»:

Ս. Մնացականյանը այսպես կարող էր ասել սխալ համարելով անկյունաքարի 156°-ի անկյունը և ճիշտ՝ 169°-ի անկյունը: Այդ դեպքում սխալ պիտի համարեր իր նախորդ «տետրակոնիսային» տարբերակն ամբողջությամբ, որը հիմնված է 156°-ի անկյան վրա:

Սակայն, ով վարմանք, աշխատության հաջորդ իսկ էջում կարդում ենք «Բայց և այնպես մենք նախընտրում ենք տետրակոնիսային տարբերակը...»:

Քննությամբ պարզվում է, որ Չվարթնոցի երկրորդ աստիճանի թմբուկով տարբերակը և, ինչպես կառուցողական, նույնպես և ճարտարապետական-գեղագիտական առումով չի հաջողել հեղինակին:

Տաճարի երրորդ աստիճանը Ս. Մնացականյանի նախագծում բավական յուրօրինակ է, այն ստորին երկու աստիճաններից տարբերվում է և ընդհանուր պատկերով, և մանրամասներով, և մասերի մասշտաբային մշակմամբ, և նույնիսկ ոճային առանձնահատկություններով: Սրա շնորհիվ տաճարը կրկնվել է ամբողջական պատկերից, ստացվել պատահական մասերի եռաստիճան խառնուրդ: Անհրապույր պատկերը

ամբողջանում է նրանով, որ հայ ազգային ճարտարապետության կարևորագույն հուշարձանի գմբեթը այս նախագծում հազնում է բուլանդակաձևին հատուկ վերաբեր:

Տաճարի բարձրության որոշման կապակցությամբ Ս. Մնացականյանը գրում է. «Ինչ վերաբերում է տաճարի ընդհանուր բարձրությանը՝ ապա այս հարցում մենք հետևել ենք 7-րդ դարի տաճարներում այնքան լայն տարածում գտած օրինաչափությանը. դա այն է, որ տաճարի ներսի բարձրությունը հավասար է լինում նրա լայնությանը»: Այս հիման վրա Ս. Մնացականյանը Չվարթնոցը պատկերել է 35 մետր բարձրությամբ:

Բանն այն է, որ 7-րդ դարում այդպիսի օրինաչափություն գոյություն չի ունեցել, այդ չի հաստատվում նույնիսկ այն օրինակներով, որոնք նշել է հետազոտողը: Այստեղ անպատեհին այն է, որ նա մոռացության է տալիս համեմատվող հուշարձանների հորինվածքային տարբերությունը: Բոլորակ հատակագծով, եռաստիճան ծավալատարածական հորինվածքով տաճարի բարձրության ավելները քաղում է քառանկյուն համակազմով, երկաստիճան տաճարներից:

Այսպիսով պարզվում է, որ Չվարթնոցի բարձրության որոշման մեջ ավելի դեր է խաղացել թյուրիմացությունը, քան գիտական սկզբունքը:

1978 թ. հրատարակված «Այնարներ հին և միջնադարյան Հայաստանի ճարտարապետության պատմություն» (ռուսերեն) աշխատության Չվարթնոցին հատկացված 98—102 էջերը՝ շարադրված են Ս. Մնացականյանի կողմից: Ահավասիկ՝ շուրջ 258 տող պարունակող վերոհիշյալ էջերում Թորամանյանի վերակազմության մեկնաբանմանը հատկացված է միայն ու միայն 10 տող, մնացածը, ըստ էության նվիրված է այդ տասը տողը վիճարկելուն և Ս. Մնացականյանի վերակազմությունը հիմնավորելուն:

Անհավանական չէ, որ հենց ռուսերենով հրատարակված այդ գիրքը թարգմանվելու է նաև օտար լեզուներով ու այս ձևով էլ նրանց ներկայացվելու է հայ ճարտարապետական

արվեստի գլոմբործողը՝ երիցս աղավաղված Չվարթնոցը:

Ցավոք, տեքստին առընթեր գծագրերում ևս առկա է շփոթ: Այսպես՝ 100-րդ էջում տեղադրված է հատակագիծը, որտեղ առկա է արևելակողմի շինությունը, 102-րդ էջում աքսոնոմետրիկ տեսքում այդ շինությունը չկա (այդտեղ բացակայում են արևմտյան և հյուսիսային խորանների վերևի շուրջ տասը լուսամուտները ևս): Իրականում հատակագիծն այդ ձևով ստեղծվել է ի սկզբանե՝ 7-րդ դարում, մինչ Մնացականյանի բացատրությամբ այդ ձևն է ստացել 9-րդ դարի վերջերում միայն:


Այդուհանդերձ, նույն էջի վրա կողք-կողքի տեղադրված են Չվարթնոցի տարբեր վերակազմությունների ձևապատկերները և մակագրությամբ հասկացվում է, թե երկուսի կազմողներն էլ՝ Թորամանյանն ու Մնացականյանը ոչ ավել, ոչ պակաս միասին աշխատած հեղինակակիցներ են:

Ահա այսպես, մեր օրերում, մեր աչքերի առջև շատ բանմասնություններով օժտված Չվարթնոցի Թորամանյանի մեծ չափով հավաստի նախագիծը անհարկի վատաբանվում, ի վերջո խտանվում է:

Չվարթնոցի ընդհանուր հորինվածքի և ներքին կազմության հարցերին անդադարձել է նաև արվեստագիտության դոկտոր, պրոֆեսոր Ա. Յակոբսոնը մեկ 1950 թվականին հրատարակված իր «Այնարի 5—17-րդ դդ. հայ ճարտարապետության պատմության» ռուսերեն գրված աշխատության էջերում, մեկ էլ 27 տարի անց՝ 1977 թվականին, գրախոսելով Ս. Մնացականյանի 1971 թ. հրատարակված «Չվարթնոց» ռուսերեն աշխատությունը (տես «Պատմա-բանասիրական հանդես», № 1, էջ 254—258):

Ա. Յակոբսոնը 1950 թվականին անվերապահորեն ընդունում էր Թորոս Թորամանյանի վերակազմությունը, ամեն կերպ դրվատելով այն:

Նույն Ա. Յակոբսոնը 1977 թվականին անվերապահ ընդունում է Ս. Մնացականյանի նոր վերակազմությունը, գովեստներ շարադրում նրա հասցեին, անհամաձայն մնալով



նրա հետ տաճարի կոմպոզիցիոն հորինվածքի սկզբնաղբյուրի՝ նախօրինակի հարցում:

Այսպես՝ Չվարթնոցի երկրորդ աստիճանի բոլորակ և խաչաձև տարբերակներից նախընտրում է երկրորդը, մոռանալով, որ ամեն մի նախընտրություն պիտի ռեալ հիմք ունենա: Եթե երկրորդ աստիճանի թմբկապատի նիստերի միջև անկյունը մոտ 169° է ու նիստերի լայնքը 255 սմ, որով բնորոշվում է 26 մետր տրամագծով թմբուկ, էլ ինչպե՞ս կարելի է նախընտրել խաչաձև տարբերակը, որի դեպքում նիստերի միջև անկյունը պիտի լիներ 156°: Կարևոր հարցերում այսպիսի մոտեցումը կարող է ընդունելի լինել:

Տաճարի երկրորդ աստիճանի խաչաձևը հիմնավորելու համար գրախոսողը հաստատում է վերակազմողի դրույթը, թե յոթերորդ դարի հայ ճարտարապետության ոճական ուղղվածությունը քառախորան էր, թե տաճարի ներքին կոմպոզիցիան ստանում է իր լիակատար և ոչնչով չխախտող արտաքին արտահայտությունը: Ինչպես տեսնում ենք, այսպիսի սահմանափակումը 7-րդ դարից դուրս է թողնում Ավան-Հռիփսիմեի տիպի մի մեծ խումբ կարևորագույն տաճարներ և մի շարք նորաձև հուշարձաններ:

Վերոհիշյալ անձինք մոռանում են, որ յոթերորդ դարի հայ դասական ճարտարապետությանը նաև հատուկ էր շինության ներքին մասնատվածությունը արտաքին հորինվածքում ամբողջացումով, ընդհանրացումով արտահայտելը: Ինքը՝ Ա. Յակոբսոնը 29 տարի առաջ իր հիշյալ աշխատության 29-րդ էջում Չորսվարի մասին գրում էր. «Զգուսմը դեպի ընդհանրական մոնումենտալ ձևերը, որ այնքան տիպական է հայկական բազիլիկների համար, այստեղ արտահայտվում է ամբողջ ուժով»:

Նույն աշխատության 33-րդ էջում Չվարթնոցի՝ Թորամանյանի վերակազմությունը ներկայացնելիս գրում է. «Հակասությունը, որ դեռևս նկատելի է Հռիփսիմե եկեղեցու ներքին ու արտաքին կոմպոզիցիաների միջև, այստեղ ամբողջությամբ հաղթահարված է»: Նա շարունակում է. «Չվարթնոց տաճարը (Թորամանյանի վերակազմությամբ) սկզբից մինչև վերջ ներթափանցված է մեկ գեղագիտական գաղափարով, որ արտահայտվում է սահմանային պարզությամբ: Այն հայ ճարտարապետության հասուն և ավարտված ստեղծագործություն է»:

Այժմ, 27 տարի անց նույն ոգևորությամբ Ա. Յակոբսոնը գովաբանում է մի նախագիծ, որը տարբեր է և ոչնչով համարժեք չէ նախորդ՝ Թորամանյանի նախագծին:

Գիտության դոկտոր, արվեստաբան Ա. Յակոբսոնի գրախոսականում հանդիպում ենք նաև այսպիսի տողերի. «Ա. Ն. Մնացականյանի առաջարկած վերակազմությամբ Չվարթնոցը մեզ ներկայանում է միանգամայն նոր տեսքով — խիստ ամբողջական, ներդաշնակ, ճարտարապետորեն առավել բովանդակալից»:

Մեր գնահատմանը՝ ճիշտ հակառակը, այդ վերակազմությունը պուրկ է որևէ միասնական ամբողջականությունից, նրանում բացակայում է կարևորը՝ մասերի ներդաշնակությունը:

Ա. Յակոբսոնը գրախոսության վերջում շոշափում է հայ և սիրիական ճարտարապետության փոխհարաբերությունների հարցը, մի թեմա, որը ուղեկցում է հեղինակին բազում տասնամյակների ընթացքում և ամեն անգամ ելագիծ է դուրս գալիս, երբ քննարկվում է հայ ճարտարապետության ցանկացած պրոբլեմ, առավելագույն կապված նախասկզբի, նախօրինակի և նման երևույթների հետ:

Հասկանալի է, որ Հայաստանն ու Սիրիան հարևան երկրներ են, հին կապուրայի օրրաններ, կապված լեն եղել

կյանքի բոլոր ոլորտներում, վերցրել ու տվել են առանց պարտք մնալու միմյանց:

Այս հարցերում Ա. Յակոբսոնի մոտ առ այսօր հաղթանակում է միակողմանիությունը: Այն հիման վրա, որ քրիստոնեությունը Հայաստան է անցել Սիրիայի ճանապարհներով, Հայաստանում ողջ միջնադարի ընթացքում կարգադրման և ծաղկման հասած ամեն ինչի սկիզբը տանում է Սիրիա, արմատը ենթադրում այնտեղ:

Ա. Յակոբսոնի մեծ ու փոքր գործերի ծանոթությունից այն տպավորությունն է ստացվում՝ կարծես թե նա իր ողջ գործունեությունը, որ պիտի դրականորեն գնահատվի, պի այն ոչ քիչ աշխատանք ու ջանք է կյանել հեղինակից, անում է հանուն նրա, որ ի վերջո ասի, թե այդ ամենի սկիզբը Սիրիա է:

Այնպես է ստացվում, կարծես թե հայ ճարտարապետության համամարդկային սեփականությունը դարձած ոչ քիչ մեծագործ արժեքները նախ ծրարակվել են սիրիական հողում, ապա տեղափոխվել Հայաստան, ստացել կարգացում: Ահա այդ մտայնությունը առկա է նաև հիշյալ գրախոսականում: Նա այստեղ գրում է. «Չարմանալու ոչինչ չկա, որ հայ ճարտարապետները վերցրել են Սելևկիայի տաճարում, Բուրսում և Ռուսաֆիում արտահայտված ճարտարապետական միտքը և փայլուն կերպով կարգացրել են այդ կոմպոզիցիան, ստեղծելով իր ճարտարապետությամբ կատարյալ և ավարտված Չվարթնոցը»:

Նա շարունակում է. «Չվարթնոցի բուն կոմպոզիցիան կազմավորվել է, ըստ երևույթին, սիրիական ճարտարապետության հիման վրա»:

Արդեն ասվածի տպավորությունը ինչ-որ չափով մեղմելու համար, Ա. Յակոբսոնը ինքն իրեն կգալապես հակասելով հիշում է. «Իհարկե, ճարտարապետական համակարգը, որի հիմքում ընկած է քառախորանը, Հայաստանում երեկան էր եկել մինչև Չվարթնոցը և արդեն 7-րդ դ. սկզբում դարձել էր հանրածանոթ»: Եվ ապա ճշմարիտ է, որ կար նախորդը՝ «...նախ և առաջ Բագարանի եռաստիճան տաճարը (624 թ.): Բայց դա, այսպես ասած, նախադրյալ էր Չվարթնոցի ի հայտ գալու, հող ստեղծելու լոկ նախապատրաստություն»:

Արդ, եթե Չվարթնոցի հատակագծային հորինվածքի կենտրոնը կազմող քառախորանը Հայաստանում եղել է սովորական երևույթ, որպիսին քրիստոնեական և ոչ մի երկրում այդպիսի տարածում չունեն, իսկ Սիրիայում Սելևկիան և Բուսրան գրեթե բացառություններ էին, եթե չորս սպառ կանգնած սյուներով Էջմիածնի խաչագմբեթաբող տաճարը ավելի քան հարյուր տարով կանխել է (կենտրոնական գմբեթ չունեցող) Ռուսաֆիին, եթե ծավալատարածական հորինվածքի առումով եռաստիճան կոմպոզիցիան Հայաստանում առկա էր, հանձին Բագարանի, Սիրիայում ոչ, այնտեղ տարածված է երկաստիճան կոմպոզիցիան, եթե մեր որոշ բազիլիկներ ունեցել են սյունաշար սրահներ, այս ամենից հետո էլ ի՞նչ հիմքով մենք կարող ենք բաժանել Ա. Յակոբսոնի կարծիքը՝ թե Չվարթնոցի կառուցողները կոմպոզիցիան վերցրել են Սիրիայից:

Ամենևին չբաժանելով Ա. Յակոբսոնի կողմից գրախոսվող գրքի հեղինակ Ա. Մնացականյանի հայացքները տվյալ հարցի վերաբերյալ (նա Չվարթնոցը ամբողջությամբ անընդհատում է դրսի աշխարհից), անվարան կարելի է ասել, որ Չվարթնոցը աշխարհին հայտնի Չվարթնոցը չէր լինի, եթե նրա կառուցողները այն երկնեկիս նկատի ունենային շինարարների մեջ միայն ու միայն այն նվաճումները, որոնց հասել էին Հայաստանում:

Մեզ թվում է, որ Ա. Յակոբսոնը պարզապես երևույթները չի կոչում իրենց անուններով: Նա ամենայն իրավամբ կարող էր ասել, որ Հայաստանում հին ավանդույթով խորանները ստեղծվում էին խուլ պատով, մինչ Չվարթնոցում Սիրիայի կամ Բյուզանդիայի տաճարների օրինակով դրանք ստեղծվեցին թափանցիկ՝ սյունակամարաշարով, որոշ կարգաբանողակներ նմանվեցին սիրիականին և այլն: Ինչպես մենք հասկանում ենք, այս ամենը առանձին երևույթներ են, և ոչ շինության ամբողջական կոմպոզիցիա:

Այսպիսով, պարզվում է, որ Չվարթնոցի հատակագծային ամբողջական կոմպոզիցիան տեղական է, արտաքին ծավալատարածական կոմպոզիցիան տեղական է, արտաքին ճարտարապետական հարդարանքի լուծումներն ու կոմպոզիցիան տեղական են՝ հատուկ միայն ու միայն Չվարթնոցին, որպիսին այդ ժամանակ չկար ինչպես Սիրիայում, այնպես էլ Բյուզանդիայում և այլուր:

Ահա այսպիսին է եղել իրերի ռեալ վիճակը Չվարթնոցի կառուցման ժամանակներում:

Չվարթնոցը գրավել է նաև ԱՄՆ-ի Բյուսիմիստոնի համալսարանի պրոֆեսոր Յուզին Կելնբաուերի ուշադրությունը: Գիտնականը 1978 թ. աշնանը Երևանում տեղի ունեցած հայ արվեստին նվիրված Միջազգային երկրորդ սինգոլիումին ներկայացրեց իր կարծիքը Չվարթնոցի մասին, մասնավորապես նրա վերակազմություններին: Նրա կարծիքը ըստ էության վերակազմության՝ առաջարկ է, սակայն առանց գծագրերի, որպիսիք, համաձայն հեղինակի խոստման, կներկայացվեն հետագայում:

Չվարթնոցի պրոբլեմների նրա քննարկումներում որոշակի կգացվում է հեղինակի մի շարք իրական փաստերի անտեղյակությունը: Ու թերևս դրանով էլ պետք է բացատրել, որ վաղուց պարզաբանված հարցեր, գիտնականը սկսում է նորից վերաքննել: Յուզին Կելնբաուերի կարծիքով, Թորամանյանը Չվարթնոցի ճակատի գծագիրը պատրաստել է Ն. Մառի պեղումներով Գագկաշենի մանրակերտը հայտնաբերվելուց (1906 թ.) հետո, և որ այս վերջինս էլ, իբր որոշել է Գագկաշենի նախօրինակ Չվարթնոցի վերակազմության ուրվագծերը: Իրականում Թորամանյանը իր վերակազմության ճակատը ստեղծել էր 1904/5 թթ.: Կելնբաուերը ենթադրում է, որ Գագկաշենի մանրակերտը վերականգնել է Թորամանյանը, որ վերջինիս վերնամասը նրա ենթադրությունների արգասիք է և այլն: Իրականում պեղումներով հայտնաբերված մանրակերտը, որի վերնամասը փշրված է եղել, վերականգնել, ամբողջացրել է Ն. Մառի արշավախմբի նկարիչ Ա. Ն. Պոլտորացկին:

Կելնբաուերի կարծիքով, հիմքեր չկան ենթադրելու, որ Չվարթնոց տաճարը եղել է եռաստիճան, որ ունեցել է վերնահարկ, որ ունեցել է այդքան շատ պատուհաններ և այլն: Նա հնարավոր է համարում գրել. «Թորամանյանի վերակազմությունը պատկերվում է որպես հարսանեկան եռաստիճան տորթ, որը հասցվել է ոչ արժանահավատ բարձրության (45 մետր), այդ նրան դարձրել է ամենաբարձր շինությունը, որ երբևիցե կարողարել է միջնադարյան Հայաստանի լանդշաֆտը»: Նա շարունակում է. «Չկա եռաստիճան արտաքին ծավալի և ոչ մի օրինակ: Որքան ինձ հայտնի է այդ կարևոր փաստը Չվարթնոցի հետ գործ ունեցած բոլոր մասնագետների համար մնացել է աննկատ, կամ արհամարվել է: Բրիտոնական աշխարհի ցանկացած մասի վաղ միջնադարյան շրջանի ոչ մի շինություն չի հիշեցնում նրա վերակազմությունը»:

Որպես հարսանեկան տորթ, ինչ խոսք, ոչ միայն 45 մետրն է շատ, այլև 45 սմ-ը քիչ չէ, բայց գիտնականին թող հայտնի լինի, որ Թեղավի շրջանի ընդամենը 26 մետր լայնք

ունեցող, երկաստիճան հորինվածքով Այվերդի անունով կաթողիկե տաճարի բարձրությունը հասնում է մոտ 53 մետրի, հետևաբար վարմանալի չպիտի թվա, որ 36 մետր տրամագծով, եռաստիճան հորինվածքով Չվարթնոցի բարձրությունը հասնում է 45 մետրի: Անհետաքրքիր չէ, որ «գետնամած» համարվող Հռիփսիմեում լայնքի ու բարձրության հարաբերությունը 1 : 1,4 է, մինչ Չվարթնոցում (ըստ Թորամանյանի) 1 : 1,26:

Բոլորին հայտնի է և մասնագիտական գրականությանը ևս, որ 624 թվականին կառուցված հայկական Բագարան տաճարը եռաստիճան հորինվածք է ունեցել և Չվարթնոցի համար եղել է նախօրինակ:

Ավելի քան տասը տարի առաջ մեր կողմից Յուզին Կելնբաուերին է տրամադրվել Բանակ տաճարի նյութերից, որոնցով հայտնի է, որ 7-րդ դարում կառուցված և IX—X դարերի սահմանագծում վերականգնված այդ տաճարը նույնպես եղել է եռաստիճան:

Այս ամենից հետո հետազոտողը ինչպե՞ս է հնարավոր համարում գրել, որ իբր եռաստիճան արտաքին հորինվածքով շենքեր ողջ քրիստոնեական աշխարհում չեն եղել:

Չենք կարող չանդադառնալ Յուզին Կելնբաուերի տեսությանը Չվարթնոցի ակունքների վերաբերյալ: Ահավասիկ՝ «...պե՞տք է, արդյոք, Չվարթնոցը դիտել որպես ածանցյալ հուշարձան, թե՞ այն արգասիք է հայ ուրույն ստեղծագործական ջանքի»:

Ինքն իր հարցին պատասխանելով, գրում է. «...Այդ հարցում ճշմարտությունն ընկած է երկու եզրային հայեցակետերի միջև», ավելի կոնկրետանալով՝ «...մյուս կողմից եկեղեցու որոշ առանձնահատկություններ ի հայտ են բերում նրա ածանցյալ բնույթը: Չվարթնոցի հատակագիծը փոխառնված է Հայաստանից հարավ-արևմուտք ընկած շրջանից»: Եվ ապա՝ «սյուների գործադրությունը նրանում, որ այնքան անսովոր է վաղ միջնադարյան հայ եկեղեցական ճարտարապետության համար, հաստատում են փոխառյալ լինելը»:

Սրա հետ մեր անհամաձայնությունը երկու առում ունի: Առաջինն այն է, որ այնպիսի մի բավմատարր, յուրօրինակ հյուսվածք, ինչպիսին Չվարթնոցի հատակագիծն է, նրանում գործադրված միմիայն մեկ տարրով բնորոշել չի կարելի: Պարզ չէ՞, որ լոկ սյունը դեռ ամբողջական հատակագիծ չէ: Երկրորդ անհամաձայնությունն այն է, որ մինչև Չվարթնոցը, Հայաստանում առանձին կանգնած սյուներ ունեցել է ոչ քիչ գործադրություն: Եթե նույնիսկ մասայաբար գործադրվող քարե խարխալներով փայտե սյուները նկատի չառնենք ու Գաննի մասին չխոսենք, ապա քարակերտ սյուների գործադրությունն են հաստատում Երեբունյի (5-րդ դար) ավերակում առկա քարե սյուների խոյակները, Դվինում առկա, ինչպես սովորական, այնպես էլ մեծ չափերի խոյակները, նաև քառակուսի ու խաչաձև հիմքով գմբեթակիր սյուները Էջմիածնում, Ծիծեռնավանքում, Բագարանում, Գայանեում և այլուր:

Այսպիսով, պարզվում է, որ Կելնբաուերը տեղյակ չէ Հայաստանում առանձին կանգնած սյուների գործածության փաստին:

Թվում է, թե Կելնբաուերը «մոխրառայ» կարող էր համարել ոչ թե հատակագիծն ամբողջությամբ, այդ ակներև սխալ է, այլ նրանում սյուների գործածության կերպը խորաններում: Ըստ որում, այստեղ կարևորը առանձին սյունը չէ, այլ այն մտիվը, որը ստեղծվում է նաև սյան գործադրությամբ:

Այնուհետև Կելնբաուերը գրում է. «Չամբողջահյուս խոյակները բոլորից ավելի նման են հյուսիսային Միջագետքում առկա օրինակներին, ... իսկ արծվաքանդակ խոյակները

հիշեցնում են V—VI դդ. բյուզանդական մի մեծ խումբ խոյակների»:

Յուզին Կլեյնբաուերի այս արտահայտությունները մեզ անմիջականորեն հիշեցնում են Անատոլի Յակոբսոնի նույնպիսի արտահայտությունները, բերված նրա վերոհիշյալ աշխատության էջերում: Այստեղ վարչապետության խոյակների մասին կարդում ենք. «Նախավոր է, որ այդ խոյակների պատրաստմանը մասնակցած լինեն հունական (սիրիական) վարպետներ»: Արծվաքանդակ խոյակների մասին նույն տեղում կարդում ենք. «...ավանդված է դեռևս անտիկ արվեստից, որը հելենական արվեստում եղել է այնքան տարածված»:

Մեզ հայտնի է, որ Չվարթնոցի կողովակազմը և արծվապատկեր խոյակների հավաստի նախորինակներ և ճշգրիտ կրկնորինակներ աշխարհում չկան (բացառությամբ մեր 5-րդ դարի Երեբոնք տաճարի կողովակազմ խոյակի): Կան, իհարկե, խոյակներ, որ ստեղծված են կենդանիների գլուխների և այլ պատկերներով, կան նաև արծվապատկեր մոտիվներ, սակայն դրանք լոկ մոտիվներ են ու թեմաներ, որ շատ հնուց են գալիս, բայց դրանցից ոչ մեկը այնպիսի մարմնավորում չի ստացել, ինչպիսին տեսնում ենք Չվարթնոցում: Թվում է, թե մենք ունենք բավական համբերություն դարձյալ սպասելու, որ այդ գիտնականները երբևէ որևէ խոյակի լուսանկար կհրապարակեն, որ նման լինի Չվարթնոցի խոյակներից մեկն ու մեկին:

Յուզին Կլեյնբաուերը քալլ առ քալլ մեր առջև բացում է իր տեսության նոր էջեր. «Այնքան, որքան այն ժամանակներում նրա (Չվարթնոցի—Տ. Մ.) հատակագիծը Հայաստանում բացառություն էր, այն իրականում գտնվում է Ս. Հռիփսիմեանով և Ս. Գայանեով ներկայացվող այլ եկեղեցական յուրօրինակ ճարտարապետության հիմնական շարժումից դուրս»:

Կասկածի կամ վիճարկման ենթակա չէ, որ հայ ճարտարապետության վարձագման գլխավոր գիծը 7-րդ դարի կեսերին անցել է Չվարթնոցով: Չվարթնոցը եղել է իրեն նախորդած ողջ ժամանակաշրջանի վարձագման տրամաբանական շարունակությունը, նրա պատկերը: Այդ շարժման գլխավոր գիծը նախորդներով չի ընդհատվում և, ապա հետագան լոկ Չվարթնոցով չի սկսվում: Չվարթնոցում այդ գիծը իր որոնումներով, թռիչքներով ու փոփոխություններով միասնական է և օրգանական: Եթե իրողությունը այդպես չլիներ, եթե տվյալ հորինվածքի ստեղծման բուն նախադրյալները տեղական չլինեին, ապա Չվարթնոցը հատկապես Հայաստանում չէր ստեղծվի և նրա որոշ կողմերի ազդեցությամբ նույն բնույթի նոր տիպեր չէին առաջանա: Չվարթնոցը, որպես երևույթ խորթ-անհարապատ կմնար իր շրջապատում, ինչպես երբեմն լինում է կյանքում:

Նախքան Չվարթնոցը քառակոնկի թեման շուրջ 200 տա-

րի մշակվում էր հայ ճարտարապետության շրջանակներում և այն հորինվածքային այնպիսի բարձրագույնություններով պատկեր, որի հետ ի վիճակի չեն համեմատվել ճարտարապետական այլ շրջանակներ:

Յուզին Կլեյնբաուերը չվանալով, «մեծահոգաբար» հայ ճարտարապետությանը բաժին է թողնում հուշարձանի հաշոտ տեղադրումը համաձայն ավանդույթի, շինանյութի ընտրությունը տեղական հանքերից, հնուտ կառուցող-իրականացնողի պատիվը, ապա և նախորինակի փայտածակների քարով փոխարինելու պարտականությունը:

Քառաթև էքսեդրները մի շրջագծի բերելու և շրջանց սրահը քարով ծածկելու համար Չվարթնոցում արծվախոյակ պյան տվյալ ձևով տեղակայումը և, ապա, մեծաչափ կոր ելքաղեղով կամարաթաղերի ստեղծումը ինքնին ճարտարապետական-ստեղծագործական մտքի մի թռիչք էր, որի նշանակությունը իր սովորում է թողնում Կլեյնբաուերի հիմնական կովանը՝ սյուների գործադրման փաստը Չվարթնոցում:

Չարանակի տրամաբանությամբ են առաջնորդվում Չվարթնոցի առաջին վերակազմությունը վիճարկողները: Թորոս Թորանյանյանի պես հպոր գիտնականի և նուրբ արվեստագետի խորապես մտածված դրույթները ժխտելու համար վկայակոչում են հետապոտողների և, նույնիսկ ոչ մասնագետների, որոնք նյութը դեռ լրիվ չուսումնասիրած, երբեմն էլ վերակազմության ամբողջությունն ու մանրամասները չհասկացած, լոկ ենթադրական կարծիքներ են հայտնել ու անցել, այդ կարծիքները մինչև օրս ոչ ոքի կողմից հավանության չեն արժանացել, գիտականորեն չեն հիմնավորվել, ըստ էության չեն արժեքավորվել և, հետևապես, չեն ճանաչվել:

Յուզին Կլեյնբաուերը Չվարթնոցի արտաքինը վերակազմողներին համոզում է դիմել հայկական և ոչ-հայկական տեղաբնակներին, իսկ ներքին պատկերը ստեղծողներին՝ հետևել Հռիփսիմեի ինտերյերին — ներքին պատկերին:


Այս դեպքում էլ ի՞նչ տրամաբանությամբ է դեկավարվում գիտնականը, որ այդ ձևով ստացված Չվարթնոցը դուրս է դնում հայ ճարտարապետության շարժման գլխավոր գծից, հանձնելով ում ուզում է, բայց ոչ երբեք նրա իսկական ստեղծողներին:

Վերոհիշյալի հիման վրա հնարավոր է դառնում եզրակացնել, որ Յուզին Կլեյնբաուերին չի հաջողվել վարթնոցագիտությանը բերել դրականորեն արժեքավոր որևէ հավելում: Աշխատության անհաջողության հիմքում պետք է նկատել գիտնականի պակաս ծանոթությունը հայ ճարտարապետության ընդհանուր պատմությանը, Չվարթնոցի ավերակում տեղական հետապոտությամբ պարզվելու հնարավորություն չունենալը, ինչպես և Չվարթնոցին նվիրված մյուս աշխատությունների ոչ լիակատար ծանոթությունը, թերևս վերջիններիս միայն հայերեն հրատարակված լինելու պատճառով:

ԱՐՉԱԿ

ՄՈՒՇԵՂ ԳԱՆՇՈՅԱՆ

ՄԵՂԱՊԱՐՏԸ



Գծանկարները՝ ՎՍԴՄՆ ԹՈՎՄԱՍՅԱՆԻ

1

Իրիկնապահ էր, երբ Տիգրանը ընդունեց հերթափոխը:

Սովորությամբ, նախ հրացանը ստուգեց՝ վասիրին նորից լցրել էր:

— Ինչ հասկանում այս մարդուն, հապար անգամ ասել է, որ դրա կարիքը չկա: Եթե կրակելու պետք լինի, որպես թե՛ դժվար է լցնել:— Եվ գնդակները համեց-զցեց գրպանը:— Յոթը ամիս է պահակ է, բայց կրակելու ամիս չի եղել, յոթը տարի էլ մնա, այդպիսի տեսած պատեհություն չի հայտնվի. ո՞ր հիմարի, ո՞ր խենթի մտքով կանցնի կողոպտել ուժանակի պահեստները: Ուժանակ... Պարզապես պետք է ուշադիր լինել, որ երեխաները մոտերքում կրակ չվառեն: Երբեմն նաև փողոցները մաքրողներն են ակտիվանում. քաղաքի աղբը թողած, հասնում են այս արվարձանների չոր տեղերը այրելու:— Նա ստուգեց նաև պահակատան հեռախոսը: Աշխատում էր: Հետո հրացանը ուսեց ու, երկտակված, պահակատնից դուրս ելավ, ապա երկաթյա դարպասից դուրս ելավ, կողպեց դարպասը և քայլեց աղյուսաշար պարիսպի ի հետ: Ուժանակի պահեստների շուրջը քաշված ցանկապատի հետ պտույտ գործեց և նորից կանգնեց դարպասի մոտ: Եվ հաճեցին այդ, դարպասի, մայթն էր՝ շահել կեչիների շարքով ու արևոտ: Կասկածելի ոչինչ չկար:

Եվ ծխելով սկսեց վերուվար անել: Փողոցը խաղաղ էր:

Այդ փողոցով ոչ տրամվայի գիծ էր անցնում, ոչ՝ տրոլեյբուսի, ոչ՝ երթուղային ավտոբուս—արվարձանի այդ փողոցի երկու կողմերում միայն պահեստներն էին և մայթերի հետ ձգվող աղյուսե պարիսպները՝ երկաթյա դարպասներով:

Իրիկնապահ էր. պահեստներում արդեն դաշաղել էր ելուստաղը:

Դիմացի մայթին բարձրահասակ ու չորչորուկ մի մարդ հայտնվեց: Մարդը քայլում էր ձեռքերը ետևը դրած, ծնոտը կրծքին սեղմած և սևեռուն հայացքը մայթին: Զգիտես ինչու, Տիգրանը փորձեց որոշել, թե այդ մարդը ինչացու է, ով կլինի: Տնողեց և կարգեց հաշվապահ,— պահեստներից մեկի հաշվապահն է:

Հետո մի դարպաս ճռնչաց, մի գնդակ աշխույժ դուրս պրծավ և շուրջբոլորը նայելով շտապեց: Դարպասի մոտ կանգնած պահակը հարգանք-հայացքով ուղեկցում էր նրան, և Տիգրանը որոշեց, թե խվիան գլխով այդ գնդակը պահեստապետն է և, դուրս գալուց առաջ, մի բաժակ հյուրասիրել է պահակին:

Հետո նա ժպտաց իր խաղի վրա,— պարապությունն ինչ խաղի մեջ ասես կբաշի մարդու: Սակայն խաղը նրան դուր էր եկել:— Էլի ո՞վ կհայանվի:

Դիմացի մայթին ճմրթված վերնաշապիկով մի շահել երևաց: Եվ գնում էր ոչ թե փողոցն ի վեր, դեպի քաղաք, այլ քաղաքից էր գալիս և ուղղություն էր վերցրել դեպի մթերապահեստները: Քայլում էր կամուկաց. մի երկու անգամ փորձեց ետ դառնալ, բայց ձեռքը թափ տվեց ու շարունակեց: Տիգրանը երկար տվեց-առավ և վերջը որոշեց, որ շահելը մթերապահեստի պահակի որդին է... Զնայած պահակի որդին կարող էր լինել նաև ինժեներ,— սևա՛ իր որդին,— բայց դա պահակի որդին էր:

Հետո մի կին հայտնվեց: Հնամաշ պալուսակ ուներ և, ծամանակից շուտ, հագել էր ռետինե երկարաձիգ կոշիկներ: Տիգրանը տեղն ու տեղը գտավ՝ կինը պահեստներից մեկի հավաքարարն է: Այնուհետև ահագին ծամանակ փողոցում ոչ ոք չերևաց:

Իսկ Տիգրանը սպասում էր: Տրացանն ուսած քայլում էր դարպասի արևոտ

